

Dä Fritz, dä es schon gestorve, doröm darf mer dat jetz och alles verzälle. Do hatte mer Exerzities en Walberberg. Mer han uns getroffe om Bahnhof un hatten all su klei Püngelcher met. För ein Woch broht mer jo nit vill. Do woren mer och en däm Alder, do broht mer jo nit vill.

Dä Fritz hatt zwei Koffer met. Ich sage: "Fritz, wat es dann met dir!"

"Jo", säht e, "kumm, helf mer!" Do han ich versök dä Koffer aanzeheve. Dä Koffer wor esu schwer wie Blei. "Sag, wat häs de dann do all dren?"

"Jo, kumm, kumm, kumm, nohher."

God, dann si' mer en de Zell zosamme kumme, immer zwei Mann kome zosamme, un mir zwei woren ein Herz un eine Seele - han se uns och zesamme gedon. Do sag ich: "Jetz sag mer ens, wat do en däm Koffer häs!" Dä Koffer opgemaht, wor dä Koffer voll Bierfläsche, ne ganze Koffer voll Bierfläsche. Jo! Dann ha' mir natörlich Heidewitzka, un nohdäm mer dann e paar Fläsche gedrunke hatte - dat wor jo em Kluster, em Kluster Walberberg -, wore mer villleich och jet laut gewoode.

Do kom eine vun nevvenaan us der Zell, och vun unser Klass, säht: "Wat es dann met üch hee? Och, hatt ehr Bier? Oh, loss mich och ens drinke!" Jo.



Kloster in Rheindorf-Walberberg

© Stefan Didam - Schmallenberg - Eigenes Werk

Nohher wore mer dann su met zwölf Mann bei uns en der Zell un han Heidewitzka gemaht. Nor blöderwies, nit all verdragen jo god Alkohol un mer hatten ald et Finster opgemaht. Dann hät irgendeiner blödsennigerwies en leer Bierfläsch usem Finster geworfe en dä Klustergaade, un usgerechent do ging eine vun dä Patres spaziere un hät dat gesinn. Owei, dat woren haade Exerzities!

Dung, Joe (78): *Exerzities em Kluster Walberberg*

dε fʁɪʦ dε ʔes ʃon jəʃtoɐvə 'dɛshalp daɣf mɛ dat jɛʦ ʔox ʔaləs fɛʦʦələ da hatə mɛ ʔɛksɐ'tsi:ʦɪən ʔen valbɐ'bɛɪʃ zo: ʔən mɛ han ʔns jɛʔɔfə ʔəm 'ba:nɦɔf ʔən hatən ʔal zʊ kleɪ pʏŋɛlfjə mɛt fœɣ ʔɛɪn vɔx bʁɔ:t mɛ jo nit fil mɛ vɔ:bən jo ʔen jo dɔ vɔ: ʔ mɛ ox ʔ en dɛm ʔalte dɔ bʁɔ:t mɛ jo nit fil ʔən dɛ fʁɪʦ dɛ hatə ʦvɑɪ kɔfɛ mɛt ʔɪs:a:x fʁɪʦ vat ʔɪs dan mɛ:ɪɣ ja sɛtə kɔm hɛləf mɛ ʔən da ha ʔɪf fɛzø:k dɛ kɔfɛ 'ʔa:nzəhevə dɛ kɔfɛ vœɣ zʊ ʃvœɣ vi blɛɪ sax vat hɛs dɛ dan dɔ ʔal dɛn ja: kɔm kɔm kɔm na'hœɣ jo:t dan: sɪmɛ ʔen dɛ ʦɛɪ: ʦɔ'zamə kʊmɛ ʔɪmɛ ʦvɑɪ man kɔ:mə ʦɔ'zamə ʔən mɪɣ ʦvɑɪ vɔ: ʔən ʔaɪn hɛʦʦ ʔən ʔaɪnə zɛ:lə han zə ʔəns ʔox ʦɛ'zamə jɛdɔn ʔən da za: ʔəs jɛʦ:a:x mɛ ʔəns vat:o ʔen dɛm kɔfɛ hɛs dɛ kɔfɛ 'ʔɔpʝɛma:t vœɣ dɛ kɔfɛ fɔl 'bi:ɸflaʃə nɛ jantʃə kɔfɛ fɔl 'bi:ɸflaʃə jo: dan ha mɪɣ na'tvɛɪfɪ hɑɪdɐ'vɪʦkɑ: ʔən nɔ'dɛm:ɐ dan ʔə pa flaʃə jɛdɔɪŋkə da va ja ʔem klo:stɛ ʔem klo:stɛ valbɐ'bɛɪʃ ʔən pa flaʃə jɛdɔɪŋkə hatə vɔ:bə mɛ fɛ'ɪʦ ox jɛt ləʊt jəvɔ:də dɔ kɔ:m ʔɛɪnə fʊn:evəʔa:n ʔʊs dɛ ʦɛɪlə ʔox fʊn ʔənzəbɛ kla:s ʔɔɪ ʔɛɪnə sɛt vat ʔes dan mɛt ʔɪ:fɪ hɛ: ʔox:adə bi:ɣ ʔɔ: los mɪfɪ ʔɔɪ ʔəns dɔɪŋkə jo: ʔən:ɔ:hœɣ vɔ:bə mɛ dan zo: mɛt ʦvœɪf man bɛ ʔəns ʔen dɛ ʦɛɪ: ʔən han 'kɑɪbɛdɪs,kɑɪ jɛma:t nʊ: ,blɔ:dɐ'vaɪzə nit ʔal vɛdka:bən jo jo:t 'ʔalkoɦo:l ʔən mɛ hatən ʔalt fɪnstɛ ʃon ʔɔpʝɛma:t ʔən dan hɛt 'ʔɪkʝɛnt'ʔɛɪnə 'blɔ:ʦɪnɪjɛ,vɑɪzə lɛ:ɣ 'bi:ɸflaʃ ʔʊzəm fɪnstɛ jəvɔɪfə ʔen dɛ ,klo:stɛ'ja:t ʔən 'ʔʊsʝɛɪfɪnɛt dɔ: jɪŋ ʔɛɪnə fʊn dɛ pa:tʁəs ʃpɑʦɪ:ɐ bɛ ʔən hɛt dat jɛzɪn ʔo'vaɪ dat vɔ: ʔən haxtə ʔɛksɐ'tsi:ʦɪən

